

Nuuk, 9. februar 2010

Inatsisartut suleriaasianni § 36 immikkoortoq 1 naapertorlugu matumuuna Naalakkersuisunut apeqquteqarpunga, ima ittumik:

Nunarput qimallugu ilinniagaqartunut aningaaserivinni attartorsinnaatitaanerannut tunngatillugu eqaallisaasinnaanermut aammalu annertusaasinnaanermut tunngatillugu Naalakkersuisuit qanoq iliuseqarpat, iliuseqartoqarpallu taakku suuppat ?
(Inatsisartuni ilaasortaq Aleqa Hammond, Siumut)

Tunngavilersuut:

Ilinniagaqartut peqatigiiffiat Avalak aammalu ilinniagaqartut Tromsømi arlaleriarlutik ilinniagaqarnermi nalaanni aningaaserivinni aningaasanik attartorsinnaatinneqarnerminnut ajornartorsiutit erseqqissaatigisarpaat. Ilinniartuutitta atukkamik qanoq ittuuneranik apuussivigisarmatigut qujassutissaavoq, taamaasiornikkut atugaasa pitsanngorsartuarnissaannut iliuseqarnissaq qaninnerulersarmat.

Ilinniartunut pingaaruteqartoq aammalu kissaatigineqartoq oqaatigineqartartoq tassaavoq aningaasat attartorneqarsinnaasut annertussusaat aammalu attartorsinnaanermmut piffissat akunniuliunneqartartut qeratavallaartut.

Taamaammatt Naalakkersuisunut apeqqutigiumavara ilinniartuutitta nunarput qimallugu ilinniartut aningaaserivinni aningaasanik attartortinneqartarnerannut aaliangersakkat allanngortinneqalersaarnersut, taamaassimappallu suut allaannguutigineqalersaarpat?

Eqqaasitsissutigissangakku ullut qulit suliffiusut qaangiutsinnagit apeqqutiga akineqarsimassasoq.

Ikinngutinnersumik inuulluaqqusillunga
Aleqa Hammond, Siumut